



Дугаар №14



2018 оны 4-р сарын 23-27-ны хооронд

НЭГ. ТОХИОЛДОЛД СУУРИЛСАН ТАНДАЛТЫН МЭДЭЭ

Улсын хэмжээнд 2018 оны 4 дүгээр сарын 27-ны өдрийн байдлаар ЗӨСҮТ-д зоонозын халдварын хүний өвчний сэжигтэй байж болзошгүй нийт **317** яаралтай дуудлагыг хүлээн авсан байна. Эдгээрийн 55(17.4%) галзуугийн эрсдэлд өртсөн, 255(80.4%) хачигт халдвар, 2(0.6%) бэтэг, 1(0.3%) хумхаа, 4(1.3%)-ийг боомын хүний өвчлөлийн сэжигтэй тохиолдол эзэлж байна.



1.1. Хачгаар дамжих халдварт өвчний сэжигтэй тохиолдол:

Архангай, Баянхонгор, Булган, Говь-Алтай, Говьсүмбэр, Хөвсгөл, Ховд, Хэнтий, Дорнод, Дорноговь, Өвөрхангай, Өмнөговь, Завхан, Сэлэнгэ, Төв аймгийн 58 сум, Нийслэлийн 6 дүүрэгт хачгаар дамжих халдварын 255 тохиолдол мэдээлэгдсэн нь өмнөх оны мөн үеэс 10.2%-иар, эпидемиологийн 16-р долоо хоногтой харьцуулахад 48.6%-иар тус тус буурсан үзүүлэлттэй байна.



1.2. Галзуу өвчний эрсдэлд өртсөн тохиолдол:

Баян-Өлгий, Ховд, Хөвсгөл, Хэнтий, Өвөрхангай, Өмнөговь, Говь-Алтай, Дундговь, Сэлэнгэ аймгийн 22 сум, Нийслэлийн 4 дүүргээс галзуу өвчний эрсдэлд өртсөн нийт 55 тохиолдол мэдээлэгдсэн нь өмнөх оны мөн үеэс 32.9%-иар буурсан. Эпидемиологийн 16-р долоо хоногтой харьцуулахад 4 тохиолдлоор илүү байна.



Нийт 105(41.1%) тохиолдолд лабораторийн шинжилгээ хийхэд хачигт риккетсиозын 11(4.3%), хачигт боррелиозын 5(1.9%) тохиолдлын онош тус тус батлагдаж, 20 тохиолдлын онош үгүйсгэгдсэн. Одоогоор 15 тохиолдлын давтан ийлдэст шинжилгээ хийж, онош баталгаажуулахаар, 157 тохиолдлын сорьцод шинжилгээ хийхээр хүлээгдэж байна.

1.3 Боомын хүний өвчний сэжигтэй тохиолдол:

Ховд, Төв, Дорнод аймгийн 3 суманд боомын арьсны хэлбэрийн хүний өвчлөлийн сэжигтэй 4 тохиолдол бүртгэгдсэн. Тархвар судлал, эмнэлзүйн шинж тэмдэг, лабораторийн шинжилгээгээр тохиолдол үгүйсгэгдсэн байна.

1.4 Бэтгийн хүний өвчлөлийн сэжигтэй тохиолдол:

Увс аймгийн Улаангом сум, нийслэлийн ХУД-ээс бэтэг өвчний онош тодруулахаар 2 хүний шинжилгээний материал ЗӨСҮТ-ийн лабораторит хүлээн аваад байна.

1.5 Хумхаа өвчний сэжигтэй тохиолдол:

Канад улсын иргэн. Өвчтөн “D” 34 настай, эмэгтэй. 2018 оны 3 дугаар сарын 16-29-ний хооронд Индонез улсад зорчих үедээ шумууланд хазуулсан өгүүлэмжтэй. 3 дугаар сарын 31-ний өдөр толгой өвдөх, дотор муухайрах, бүх бие янгинах, гүйлгэх шинж тэмдэг илэрч, Интермед эмнэлэгт 4 дүгээр сарын 01-ний өдөр хэвтсэн.

Хариу арга хэмжээ:

- Интермед эмнэлэгт 4 дүгээр сарын 01-ний 14 цагийн орчимд ЗӨСҮТ-ийн дуудлагын баг газар дээр нь очиж ажилласан.
- Өвчтнийг тусгаарлаж, хумхаа өвчний онош тодруулахаар сорьц дээжилж, ЗӨСҮТ-ийн лабораторид нян судлал, ийлдэс судлал, молекул биологийн шинжилгээгээр цусанд хумхаа өвчний үүсгэгчийн ДНХ тодорхойлогдоогүй онош үгүйсгэгдсэн.

1.5 Мэрэгч амьтны дуудлага:

2018 оны гарсаар нийслэлийн 6 дүүрэгт (БЗД, БГД, ХУД, СБД, СХД, ЧД)-ийн хэмжээнд нийт 15 удаагийн амьтны дуудлаганд үйлчилж, хураагдсан сорьц материалыг ЗӨСҮТ-ийн лабораторид шинжлэхэд тарваган тахал түүнтэй хам тохиолдох өвчин үүсгэгч илрээгүй байна.

ХОЁР. ТУХАЙН 7 ХОНОГТ БҮРТГЭГДСЭН ЗООНОЗЫН ШАЛТГААНТ ҮЙЛ ЯВДЛЫН МЭДЭЭ

Монгол улсад:

Мал, амьтны боом өвчин: Хөвсгөл аймаг, Галт сум

4-р сарын 17-ны өдөр Хөвсгөл аймгийн Галт сумын Нүхт багийн “Ар хамар” гэдэг газарт 1 үхэрт мал амьтны гоц халдварт “Боом” өвчний шинж тэмдэг илэрч, дээж авч аймгийн МЭАЦЛ-ийн шинжилгээгээр батлагдсан байна.

Хариу арга хэмжээ:

- 4-р сарын 23-нд тус сумын засаг даргын захирамжаар хорио цээрийн дэглэм тогтоосон. Өвчилсөн 1 үхрийг устгаж, 100 үхрийг вакцинжуулсан.

Эх сурвалж: ОБЕГ

Олон улсад:

Африкийн гахайн халуурал өвчин: Польш улс

Польш улсын Барминско-Макужские мужид африкийн гахайн халуурал өвчин бүртгэгдэж, 23 зэрлэг гахай ойд өвчилж үхсэн байна.

Эх сурвалж: ДАЭМБ

Шүлхий өвчин: БНХАУ

БНХАУ-ын Хами хотын Үйзхоу мужийн үхрийн аж ахуйд, мал амьтны шүлхий өвчин бүртгэгдэж, 6 үхэр өвчилж үхэн, 41 үхрийг устгаж, хариу арга хэмжээг хэрэгжүүлэн ажилласан байна.

Эх сурвалж: ДАЭМБ

Шувууны томуу: Франц улс

Франц улсын Монбахус хотын Лот-Эйт-Гаронни гэдэг газрын шувууны аж ахуйд, шувууны томуугийн H5N3 вируст халдварын дэгдэлт бүртгэгдэж, 12240 шувууг устгасан.

Хариу арга хэмжээ:

Тус голомтод хязгаарлалтын дэглэм тогтоож, хариу арга хэмжээг хэрэгжүүлэн ажилласан байна.

Эх сурвалж: ДАЭМБ

Шувууны томуу: Мексик улс

Мексик улсын нийслэл Иранпуато хотын Гунажуато мужид шувууны томуугийн H7N3 вируст халдварын дэгдэлт бүртгэгдэж, 2664 шувуу өртөмхий байснаас, 1598 шувуу өвчилж үхэн, 1066 шувууг устгасан.

Хариу арга хэмжээ:

Тус бүсэд хязгаарлалтын дэглэм тогтоож, хариу арга хэмжээг хэрэгжүүлэн ажилласан байна.

Эх сурвалж: ДАЭМБ